



KAMARA YU'UN TE DIPUTADOETIK TA CONGRESO  
DE LA UNIÓN  
YOXWINIK TIJK'IL YA'TELAL  
YA YALIK

Te jtuuneletik ta Tribunal Electoral yu'un te Poder Judicial ta Federación, ta sjo'e'bal k'aal yu'un septiembre ta dos mil seis, la yak'be sna stojol ta oficio te Mesa Directiva yu'un te Diputadoetik tey ta Congreso de la Unión, te jun ja' tey ya yich' alel-a "TE BIT'IL-A JIL TA AJTAYEL TE BOTACIÓN YU'UN TE LA YICH' TSAKEL TE PESERENTE TA MEJIKO SOK TEY YA YICH' ALEL-A TE CH'UUNBIL-A K'OT TE ELEKSYON SOKNIX TEY YA YICH' ALEL-A TA MACH'A YA X'OCH TA PESERENTEIL", jicha chajpaj te ta sk'alelal jo'e'b yu'un septiembre ta ya'wilal dos mil seis, sok ja'nix la yich'ik ta muk' te bit'il akbilik ya'telik yu'un te muk'ul ley CONSTITUCIÓN tey ya x-alot ta sba'bial fracción yu'un te xchanlajune'bal xchanwinik mantaril, sok te bin ut'il ya yal ta xche'bal yajtalul yu'un te yoxe'bal xcha'winik mantaril yu'un te Ley Orgánica yu'un te Congreso General de los Estados Unidos Mexicanos, jich ya yich' alel:

K'OP TE YA YICH' AK'EL TA NA'EL STOJOL TA SPAMAL JLUMALTIK MEJIKO YU'UN YA YICH' ALEL TE MACH'A YA X-OCH TA PESERENTEIL.

Te Cámara yu'un te Diputadoetik ta Honorable Congreso de la Unión, ya yalbey ta spisil te yajwalul Mejiko: Te bit'il-a jil te eleksyon yu'un te stsakel peserente ta Mejiko, te tey la schapik ta Sala Superior ta Tribunal Electoral yu'un te Poder Judicial ta Federación, ta sjo'ebal k'aal yu'un te septiembre ta ya'wilal dos mil seis. Jich ya yich' ak'el ta na'el stojol:

"Sba'bial. Te macha bayel la sta sboto ta eleksyon yu'un peserenteil, ja' te mamal Felipe de Jesús Calderón Hinojosa".

"Xche'bal. Ch'uunbil-a k'ot te elksyon yu'un te stsakel te Peserente ta Mejiko".

"Yoxe'bal. Te mamal Felipe de Jesús Calderón Hinojosa la sta te bit'il ya yich' k'anel yu'un te eleksyon sok te bit'il ya xk'anot ta xche'bal sjo'winik mantaril yu'un te Constitución".

"Xchane'bal. Ya yich' ak'el ta na'el stojol, te mamal Felipe de Jesús Calderón Hinojosa ja' ach' peserente ya x-och, te ya stsak ya'tel ta sba'bial k'aal yu'un diciembre ta ya'wilal dos mil seis k'alal ta lajune'b xcha'winik k'aal yu'un noviembre ta ya'wilal dos mil doce. Jich yu'un, ak'a yich' ak'beyel te sjun te ja' ju' yu'un".

J'ai k'opto, ak'a yich' pukel sk'oplal ta Diario Oficial de la Federación, ta periódico yu'un jtuuneletik sok ak'a yich' akel ta ilel ta banti ay ofisinaetik ta jujun pam lum.

Cámara yu'un Diputadoetik ta honorable Congreso de la Unión, Palacio Legislativo, ta sjukebal k'aal yu'un septiembre ta ya'wilal dos mil seis.

Diputado Jorge Zermeño Infante (rúbrica)

Peserente yu'un te Cámara de Diputados ta H. Congreso de la Unión.